



Maahanmuuttovirasto
Migrationsverket
Finnish Immigration Service

უცხოელთა შესახებ კანონში ცვლილებები 1.6-დან – გავლენა საერთაშორისო დაცვის მომხმარებლებზე

უცხოელთა შესახებ კანონში ცვლილებები შევა ძალაში 1.6.2025 დან. ეს ცვლილებები შეიძლება შეგეხოს, თუ თქვენ ითხოვთ თავშესაფარს ან გაქვთ საერთაშორისო დაცვის სტატუსი ფინეთში. ახალი კანონი გამოყენებული იქნება მისი ძალაში შესვლისთანავე.

თავშესაფრის გასაუბრებისას ოქმის შემოწმება შესაძლებელი იქნება მხოლოდ ნაწილობრივ

1.6. დან თავშესაფრის გასაუბრებისას აღარ იქნება საჭირო გასაუბრების ოქმის სრულად შემოწმება. ეს ნიშნავს, რომ საიმიგრაციო სამსახურის თანამშრომელი შესაძლოა არ განიხილოს თქვენთან ერთად ოქმის მთლიანი შინაარსი გასაუბრების დროს. ეს დაზოგავს დროს და აჩქარებს თავშესაფრის განაცხადის განხილვას ასევე კლიენტის თვალსაზრისიდან გამომდინარე.

გასაუბრებები კვლავ ჩაიწერება აუდიო ფორმატში. თუ ოქმი არ შემოწმდება გასაუბრების დროს სრულად, თქვენ მიიღებთ ვადას, რომლის განმავლობაშიც შეგიძლიათ გაგზავნოთ ოქმში შესატანი დამატებები და შესწორებები.

თქვენ არ შეგიძლიათ იმოგზაუროთ ლტოლვილის სამგზავრო დოკუმენტით ან უცხოელის პასპორტით თქვენს სამშობლოში

კანონის ცვლილების შედეგად, ჩვეულებრივ, შენ არ შეგიძლია იმოგზაურო შენს სამშობლოში, ანუ შენი მოქალაქეობის ქვეყანაში ან წინა მუდმივ საცხოვრებელ ქვეყანაში ლტოლვილის სამგზავრო დოკუმენტით ან უცხოელის პასპორტით.

ცვლილება შეეხებათ, თუ

- ხართ კვოტით მიღებული ლტოლვილი
- გაქვთ თავშესაფარი
- შენ გაქვს ბინადრობის ნებართვა მეორადი დაცვის საფუძველზე
- შენ გაქვს ბინადრობის ნებართვა ოჯახური კავშირების საფუძველზე და ასევე, თუ მიგიღიათ დაცვის სტატუსი ბინადრობის ნებართვის დადებითი გადაწყვეტილების ფარგლებში



Maahanmuuttovirasto
Migrationsverket
Finnish Immigration Service

- შენ გაქვს ბინადრობის ნებართვა დაბრუნების აკრძალვის საფუძველზე (უცხოელთა შესახებ კანონის 89-ე § საფუძველი).

შენ შეგიძლია მიიღო სამგზავრო დოკუმენტი, რომელიც უფლებას გაძლევთ იმოგზაურო შენს სამშობლოში, საიმიგრაციო სამსახურიდან მხოლოდ განსაკუთრებით მნიშვნელოვანი მიზეზის გამო. ასეთი მიზეზი შეიძლება იყოს, მაგალითად, ახლობლის მძიმე ავადმყოფობა ან განქორწინების მიღება. დამატებითი ინფორმაციისთვის იხილეთ გვერდები [ლტოლვილის სამგზავრო დოკუმენტი](#) და [უცხოელის პასპორტი](#).

თუ თქვენ იმოგზაურებთ თქვენს სამშობლოში, საიმიგრაციო სამსახური შეიძლება ჩათვალოს, რომ აღარ გჭირდებათ საერთაშორისო დაცვა

უცხოელთა შესახებ კანონში ჩაიწერება, რომ თუ შენ გაქვს ლტოლვილის სტატუსი ან მეორადი დაცვის სტატუსი, სამშობლოში მოგზაურობა შეიძლება ჩაითვალოს საერთაშორისო დაცვის სტატუსის გაუქმების საფუძველად. სამშობლოში მოგზაურობა ადრეც შეიძლებოდა გამხდარიყო დაცვის სტატუსის გაუქმების მიზეზი.

დეპორტაციის აღსრულება გახდება უფრო ერთგვაროვანი გაძევებასთან შედარებით

კანონის ცვლილების შედეგად, 1 ივნისიდან გაძევებისა და დეპორტაციის აღსრულება გახდება ერთიანი საერთაშორისო დაცვასთან დაკავშირებულ საკითხებში და კანონით გამოიყოფა ბინადრობის ნებართვის სხვა საკითხებისგან.

შენ შეიძლება მიიღო დეპორტაციის გადაწყვეტილება, მაგალითად, თუ ადრე ცხოვრობდით ფინეთში სხვა ბინადრობის ნებართვით და მიიღეთ უარყოფითი გადაწყვეტილება შენს მიერ შეტანილ თავშესაფრის განაცხადზე.

დეპორტაციის გადაწყვეტილება ნიშნავს, რომ შენ უნდა დატოვო ფინეთი, როგორც ეს გადაწყვეტილებაშია მითითებული. ის, თუ რამდენად სწრაფად შეიძლება დეპორტაციის გადაწყვეტილების აღსრულება, დამოკიდებულია, მაგალითად, იმაზე, ჩაითვალოს თუ არა თქვენ განაცხადი აშკარად უსაფუძვლოდ ან დარჩა განუხილველი. პოლიცია პასუხისმგებელია დეპორტაციის გადაწყვეტილების აღსრულებაზე.

დამატებითი ინფორმაციისთვის იხილეთ გვერდები [ლტოლვილის სტატუსისა და მეორადი დაცვის სტატუსის გაუქმება](#) და [გაძევება, დეპორტაცია და ქვეყანაში შესვლის აკრძალვა](#).



Maahanmuuttovirasto
Migrationsverket
Finnish Immigration Service

შენ შეიძლება მოგენიჭოს მეორადი დაცვა ლტოლვილის სტატუსის ნაცვლად, თუ შეიტან განმეორებით განაცხადს იმ საფუძვლებით, რომლებიც შენ თვითონ გამოიწვიე.

შენ შეიძლება მოგენიჭოს მეორადი დაცვა თავშესაფრის სანაცვლოდ, თუ შეიტან განმეორებით განაცხადს იმ საფუძვლებით, რომლებიც შენ თვითონ გამოიწვიე მას შემდეგ, რაც გაიქეცი შენი სამშობლოდან, ან მუდმივი საცხოვრებელი ქვეყნიდან.

მეორადი დაცვა შეიძლება მოგენიჭოს, თუ თავშესაფრის მიღების წინაპირობები არ არის დაკმაყოფილებული. დამატებითი ინფორმაციისთვის იხილეთ გვერდები [განმეორებითი განაცხადი](#) და [მეორადი დაცვა](#).